

### PERSIDANGAN BICENTENNIAL SINGAPURA

Sejarah boleh menjadi sumber penting bagi Singapura menghadapi cabaran dunia yang pesat berubah. Justeru, Persidangan Bicentennial Singapura yang berlangsung baru-baru ini di Pusat Konvensyen Raffles City, bertujuan membincangkan bagaimana sejarah dapat membentuk pandangan, fikiran dan dasar negara pada masa hadapan. Wartawan ATIYYAH MOHD SAID (atiyyahm@sph.com.sg) dan SHAHIDA SARHID (sshahida@sph.com.sg) dengan laporannya.

# Masyarakat Asean digesa terus perkukuh, dakap identiti berbilang budaya

BAIK Singapura mahupun negara Asean lain, mereka berjaya membina masyarakat berbilang budaya lagi kompleks meskipun telah dijah, kata Profesor Madya Dr Farish Ahmad Noor, daripada Sekolah Pengajian Antarabangsa S. Rajaratnam (RSIS), Universiti Teknologi Nanyang (NTU).

Lantaran itu, identiti berbilang budaya yang sudah terpahat dalam kalangan masyarakat Asean sejak sebelum penjajahan lagi, perlu terus diperkuuh dan didakap, tegas sejauh itu.

Ini kerana penakatan generasi masa depan akan menjadi semakin genting apabila mobiliti atau keupayaan ‘mudah alih’ kerjaya menjadi kayu ukur kejayaan mereka di tengah-tengah era teknologi.

Dr Farish merupakan antara panel dalam sesi perbincangan mengenai ‘Kepelbagai dan Identiti’, sebagai sebahagian daripada Sidang Bicentennial Singapura.

Beliau menjelaskan, identiti berbilang budaya di rantau ini jauh lebih meluas dan kukuh sebelum era penjajah dan menarik perhatian perlunya warga Singapura menerima dan mendakap identiti serantau Asean selain daripada identiti berbentuk nasional.

“Identiti kita menjadi lebih rumit selepas abad ke-18, hasil daripada kehadiran syarikat penjajah seperti East India dan Sepanyol.

“Mereka datang ke rantau ini dengan logik nasionalis dan konsep ekonomi Eropah, yang lebih statik dan tetap, berbanding Asia Tenggara.

“Apabila kita melihat kepada pencapaian pasca penjajahan, apa yang dicapai oleh Singapura dan Asia Tenggara dari sudut membina masyarakat berbilang budaya lagi kompleks adalah bukan kerana penjajahan, bahkan mereka berupaya bangkit walaupun dijah.



**IDENTITI BERBILANG BUDAYA:** Profesor Madya Dr Farish Ahmad Noor berkongsi pandangan tentang perihal pentingnya identiti berbilang budaya dan bukan hanya pada peringkat nasional sahaja. Di tengah ialah moderator panel, Cik Vineeta Sinha, Ketua Jabatan Sosiologi Universiti Nasional Singapura (NUS) dan rakan panelis, Profesor Brenda Yeoh.

“Setelah apa yang dilalui oleh rantau ini, kita berjaya melakukannya,” ujarnya.

Menurut Dr Farish, salah satu faktor yang membolehkan masyarakat rantau ini, termasuk Singapura, mengharungi arus perubahan dengan baik selama ini, ialah keupayaannya membuat penyeuaian.

Justeru, identiti itu menjadi bertambah penting, sedang Singapura dan negara Asean lain berada di ambang perubahan sosio-ekonomi paling besar.

“Era teknologi yang kita hadapi hari ini bermakna agar dapat bertakat dan berjaya, ia menjadi semakin penting bagi kita menjadi berdaya maju.

“Mobiliti geografi, pekerjaan dan profesional penting kerana perubahan sosio-ekonomi dan sosial dalam rantau yang kompleks ini.

“Masyarakat kita harus mampu mengekalkan dan mengimbangi berbilang identiti dan menerima kepelbagaian, sebagai sebahagian daripada penduduk rantau ini,” terang Dr Farish.

Bersetuju dengan hal ini, seorang lagi ahli panel, Profesor Brenda Yeoh daripada Universiti Nasional Singapura (NUS), berkata identiti berbilang budaya ini lebih ketara sedang keluarga di rantau ini menjadi lebih berpelbagai.

Beliau menarik perhatian bahawa lebih banyak keluarga menyaksikan perkahwinan rentas sempadan – seperti mereka dari Thailand atau Vietnam.

“Saya amat bingung kerana kita berbual tentang Asia Tenggara, seolah-olah ia sesuatu di luar jangkauan kita.

“Bukankah kita dalam Asia Tenggara, dan bukankah Asia Tenggara ada di sini, bersama dengan kita?” kata Profesor Yeoh yang mengetuai kajian tentang penghijrahan Asia di Institut Kajian Asia universiti itu.

## Harapan diplomat veteran bagi masa depan S'pura

DIPLOMAT veteran, Profesor Tommy Koh, berkata Singapura sebuah negara Dunia Pertama tetapi memiliki rakyat Dunia Ketiga.

Ramai penduduk negara ini kurang bersikap tatarakyat atau “civic mindedness” – sikap yang menurutnya, harus dimiliki rakyat negara Dunia Pertama.

“Saya lebih kritikal terhadap Singapura berbanding pemerintah. Kebanyakan orang kita tidak hiraukan langsung tentang sekitar meski mereka harus melakukan demikian.

“Kebanyakan orang kita tamak dan kejam. Lihat sahaja cara mereka memandu,” kata Profesor Koh, sambil mencuit hati hadirin.

Beliau berkata demikian dalam sesi soal jawab semasa perbincangan berjudul ‘Pejuang & Pembina’ dalam Persidangan Bicentennial Singapura yang dianjurkan Institut Pengajian Dasar (IPS) di Pusat Konvensyen Raffles City, yang berakhir kelmarin.

Profesor Koh turut menggesa agar tangga gaji mereka yang di tangga bawah dinaikkan.

Menurutnya, tangga gaji golongan ini

amat rendah kerana mereka perlu bersaing dengan pekerja asing daripada negara miskin di rantau ini.

Beliau memberi contoh bagaimana gaji \$700 sebagai pembersih memadai bagi seorang pekerja asing yang tinggal di hostel dan tidak mempunyai keluarga di sini, berbanding dengan pekerja tempatan yang meraih gaji yang sama.

“Apakah gaji bulanan \$700 mencukupi untuk mempertahankan maruah pekerja tempatan ini? Tidak,” tegasnya.

Menjelaskan lebih lanjut, Profesor Koh tutut menekankan bagaimana syarikat Singapura membayar gaji individu yang memegang jawatan lebih kanan mengikut tangga gaji seperti mereka yang di New York atau London tetapi gaji pekerja biasa sama seperti pekerja gaji Dunia Ketiga.

Ini bermakna melabur dan berdagang dengan lebih banyak negara Asean, menggalak rakyat Singapura belajar satu bahasa Asean seperti bahasa Indonesia dan memberi tumpuan kepada ASEAN dalam program bekerja sambil belajar, program pertukaran universiti dan lawatan sekolah.

“Apakah menguruskan syarikat bas bak rocket science?” katanya.

Semasa mengulung sesi tersebut, Profesor Koh yang bakal meraikan ulang tahunnya ke-82 bulan depan berkata:

“Saya cinta Singapura. Saya sanggup mati untuk Singapura. Tetapi adakah kita penduduk yang sempurna? Kita bukan.”

Awal daripada itu, semasa sesi perbincangan, Profesor Koh, berkata untuk merangsang keharmonian sosial di Singapura masyarakat memerlukan perlu diberi bantuan.

Menurut beliau, membentarkan sesuatu masyarakat ketinggalan di belakang, akan menjadikan keharmonian sosial.

Satu lagi saranan beliau ialah agar Singapura meningkatkan kesedaran tentang perihal pentingnya ASEAN dalam agenda ekonomi kerana kumpulan serantau itu memberi harapan cerah di tengah-tengah suasana ekonomi global muram.

Ini bermakna melabur dan berdagang dengan lebih banyak negara Asean, menggalak rakyat Singapura belajar satu bahasa Asean seperti bahasa Indonesia dan memberi tumpuan kepada ASEAN dalam program bekerja sambil belajar, program pertukaran universiti dan lawatan sekolah.

“Apa yang kita perlukan ialah tumpuan semula negara ini terhadap ASEAN,” terang Profesor Koh.



**SERTAI PERBINCANGAN:** Profesor Tommy Koh (kiri) membentangkan lapan harapannya bagi bakal pemimpin baru negara ini. Di sampingnya Encik Warren Fernandez, moderator perbincangan.

Dalam usaha terus memajukan Singapura, Profesor Koh berpendapat pemimpin masa depan harus terdiri daripada golongan “pejuang dan pembina”.

Menurutnya, mereka perlu mampu mereka semula negara ini dan berani mengambil risiko – seperti bapa pengasas negara ini, mendiang Encik Lee Kuan Yew dan pasukan pemimpin generasi pertama.